

XVII. IGANDEA URTEAN ZEHAR (A)

Otoitza

Jainko Jauna, Zugan uste on dutenen zaintzailea,
Zu gabe ez da ezer sendorik, ez ezer santurik;
erakutsiezaguzu zeure erruki ugaria;
Zu gidari eta erakusle zaitugula,
lurreko ondasunak erabil ditzagun
zerukoak iristeko eran.
Zure Seme Jesu Kristo.

I. IRAKURGAIA: 1 Erg 3, 5. 7-12

Zuzen erabakitzeko jakinduria eskatu duzu.

Erregeen liburitik

Egun haietan, Jauna agertu zitzaion Salomoni gauez ametsetan, eta honela esan zion: «Eskaiezadazu nahi duzuna».

Salomonek erantzun: «Jauna, ene Jainko, Zuk ipini nauzu, zure zerbitzari hau, nire aita Dabiden lekuan errege. Ni, ordea, umea naiz; ez dakit nondik nora jo. Zure zerbitzari hau, Zuk aukeratutako herriaren erdian dago, ugariaren ugariz ezin konta eta zenbatu halako herri handian. Emaiozu zure zerbitzari honi bihotz zentzuduna, zure herria gidatzeko, ona eta txarra bereizteko. Izan ere, nork gida dezake zure herri handi hau?»

Gogoko izan zitzaion Jaunari, Salomonek eskabide hau egitea, eta esan zion: «Hori eskatu duzulako, eta ez zeuretzat bizi luzerik, ez aberastasunik, ezta zure etsaien heriotzarik ere, baizik eta zuzen erabakitzeko jakinduria eskatu duzulako, beteko dut Nik, zuk eskatua: emango dizut bihotz zentzudun eta jakintsua, zuk baino lehen inork izan ez duen bezalakoa, eta zure ondoren ere inork izango ez duen bezalakoa».

ERANTZUN SALMOA: Sal 118, 57 eta 72. 76-77. 127-128. 129-130

R/. Bai maite dudala, Jauna, zure legea!

Hau da, Jauna —esan dut—, nire ondarea,
zure hitzak betetzea.
Niretzat zure ahoko legea
urre eta zilar asko baino hobea. R/.

Betorkit zure maitasuna nire pozgarri,
hala hitz eman baitiozu zeure morroiari.
Betozkit zure errukiak, bizi nadin,
zure legea baitzait atsegin. R/.

Horregatik ditut zure aginduak urrea baino,
urre garbia baino maiteago.

Horregatik hartzen ditut zure arauen bideak,
eta gorroto ditut bide gezurtiak. R/.

Zuk hotseginak harrigarri dira,
horregatik betetzen ditu nire arimak.
Zure hitzen adierazteak argia du ekartzen,
ezikasiei die irakasten. R/.

II. IRAKURGAIA: Erm 8, 28-30

*Jainkoak aukeratu gintuen,
bere Semearen irudiko izan gaitezen.*

San Paulo Apostoluak Erromatarrei

Senideok: Badakigu, gauza guztiak onerako ari direla, Jaungoikoa maite dutenentzat, Haren erabakiz deituentzat.

Izan ere, Jainkoak aurrez ezagutu zituenak, aukeratu ere egin zituen, bere Semearen irudiko izan zitezen; Hau senide askoren artean lehenseme izan zedin. Aurrez aukeratu zituenak, deitu ere egin zituen; deituei, berriz, bere zuzentasuna eman zien: eta zuzen eginak, aintzaz bete zituen.

EBANJELIOA: Mt 13, 44-52

Aleluia: Ikus Mt 11, 25

R/. Aleluia.

V/. Bedeinkatua Zu, Aita, zeru-lurren Jauna,
zure erreinuko misterioak
jende xumeari erakutsi baitizkiozu. R/.

Irakurgai laburragoa egin nahi bada, [] kako artean ematen den zatia utz daiteke.

*Saltzen ditu dauzkan gauza guztiak,
eta soroa erosten du.*

Jesu Kristoren Ebanjelioa San Mateoren liburutik

Aldi hartan, Jesusek honela esan zion jendeari: «Zeruetako erreinua, soroan ezkutatuko gordailuaren antzekoa da. Aurkitzen du gizon batek eta gorde egiten du. Pozez beterik joaten da, saltzen ditu dauzkan gauza guztiak, eta soroa erosten du.

Era berean, zeruetako erreinua, harri bitxi ederren bila dabilen merkatariaren antzekoa da. Bat oso bikaina aurkitzen duenean, joaten da, saltzen ditu dauzkan gauza guztiak, eta harri bitxia erosten du.

[Era berean zeruetako erreinua, itsasora botatzen den sarearen antzekoa da. Era guztietako arrainak hartzen ditu. Beterik dagoenean, ateratzen dute itsas bazterrera eta, eseririk, onak saskirako bereizten dituzte, eta txarrak kanpora botatzen. Horrela gertatutko da gizaldiaren azkenean: aterako dira aingeruak eta, zintzoen artetik gaiztoak bereizi, eta su-leizera amilduko dituzte. Han izango da negarra eta hortz karraska!» Orduan Jesusek galdetu zien: «Ulertu al duzue?» Haiek erantzun zioten: «Bai!»

Eta Jesusek: «Beraz, zeruetako erreinuan ikasia den idazlaria, bere gord

berriak ateratzen dituen etxe nagusiaren antzekoa da».]

Oparigaien gainekoa

Onar, Jauna,
zure esku zabaletik hartuta ekarri ditugun eskaintzak;
misterio santu honek, zure graziaren indarrari esker,
santu egin dezala oraingo gure bizia
eta eraman gaitzala betiko zorionera.
Jesu Kristo.

Jaunartze ondorengoa

Zeruko sakramentua hartu dugu, Jauna,
zure Semearen nekaldiaren betiko origarri:
Berak bere maitasun neurrigabea eman digun dohain hori
izan dakigula salbamenerako.
Jesu Kristo.